



DEO OPTIMO MAX.

UNI ET TRINO,

VIRGINI DEI-PARÆ, ET S. LUÆ,

Orthodoxorum Medicorum Patrono.

QUÆSTIO MEDICA,

QUOD LIBETARIIS DISPUTATIONIBUS

manè discutienda, in Scholis Medicorum, die Jovis decimâ-
tertiâ mensis Februarii, anno Domini M. DCC. LXXXIII.

M^o. RENATO LOUCHE DESFONTAINES, Doctore Medico;
Præfide.

An Vita corporis, continua in cibos actio?

I.

VIVIT procul dubio corpus humanum, cùm agit aut agere potest. Id autem præstat, si sentit ac movetur, interdùm etiam, si cogitat & vult spiritalis anima. Hinc primaria genuinaque vitæ elementa, omnino duo, conveniens ad motum partium compositio; phycus verò imprimis sensus. Cogitare enim ac velle, adventitium quid esse videtur atque superadditum. Verùm nunc

si quispiam est, qui roget; undè vivificans ille in materiâ sensus; quid reponi debeat, haud ita quidem videmus. Si enim dixerimus, animam ipsam esse cogitantem, illic quæ hospitetur: ut vivunt fetus primis in utero temporibus? ut vivunt plantæ, brutaque animalia? Sin autem spiritum quandam, qui nec materia sit nec anima, finxerimus: esse quid poterit iste, nisi tenebrarum parens, nulliusque utilitatis? an tandem pronuntiabimus modificationem esse nervorum, aliamve corpoream? Imò verò; ac quoniam alicui adhærendum opinioni est, ita planè censemus. Etenim quid vetare potuit sapientissimum ac potentissimum corporis humani architectum, eam quidem, luto sub plasmaturâ, formam aut mechanicam induxisse, undè prodierit sensus. Nùm ibi quidquam por:entolum magis, pro fabricatoris summi hominumque solertiâ, quàm in illis ipsis manibus hominum fabrefactis simulacris, quæ vitalem tamen penè aërem ducere visâ sunt, & quorum aliqua sponte suâ deambulare, aut pulmonales quoque sonos edere credita sunt.

Hic nostram subit mentem, esse dicendum potiùs, sensum in homine atque omnia hujus corporea, planè quidem intellecturum esse hominem, si quam in apertissimis tantùm ac crassissimis chemico-mechanicam habet scientiam, ea in fabricæ suæ tam abstruso tamque subtili opere, profundior saltem esset ac divinæ propior. Hæc satis de sensu. Alterum, diximus, vitæ elementum motus est. Videtur autem ipse, altera utrumque materiæ modificatio, materia nempe, licet eadem, à loco in locum translata. Sed credimus ei præire sensum ac præter huncce, ut fiat, idoneam requiri partium constructionem. Ista verò cùm fuerint, atque impellens quævis causa accesserit, putà animæ vis & arbitrium, aut corporis alicujus externi actio, motum profectò secuturum. Cæterum hic animadvertendum est, neque sensum neque motum, ut est quidem de omnibus materiæ modificationibus, esse simplicem, varium contrà variis in partibus; in toto corpore diversissimum. Nec minùs certè notatu dignum habendum, omnes & singulas corporis functiones à sensu motuque pendere; illasque ita combinari ac componi inter se, ut in varia abeant systemata viventia, penè diceremus, in animali quodam majori minora totidem animalia. Horum verò, dum agunt, organa, determinatum servare consueverunt ordinem, nunc recensendum.

I L

HIC est porrò quem facilè sequemur. Homo ritè si valet & vigilat, post sex aut septem ab ultimis epulis horas, ut plurimum esurire incipit, porus cibosque capit & novum instaurat quasi vitæ curriculum. Ecce enim protinùs musculi agunt illi, qui mandibulam movere queunt; pleno saliva fluit alveo; lingua in motum acta rapidum, hùc atque illuc alimentarium eò usque bolum versat, dùm paratum, suique priùs impositum dorso protrudat in pharyngem. Excipit hic quidem, sed acceptum brevi committit æsophago; qui cùm non retineat, ipse in ventriculum rectà deponit. Ac tùm quidem prorsùs mirum; ventriculo enim non magna solum sed corpori etiam toti succrescit actio. Hoc in illum contentis insurgere viribus diceremus; quic tamen fortitèr, quia resistitur, fit corporis reliqui tensio; partium, si qui sint, laboribus obsistitur; summè præcordiorum intenditur vita. Nempè æquum est concursu id fieri omnium, omnium quod futurum est. Interim verò subtile cùm factum sit, magisque fluidum, quod membranaceo huic fuit sacco inditum, paulatim è pyloro in duodenum elabitur; ibique illud, vicinisque locis quia irritamento est, suos illicò fundunt humores hepar ac pancreas, nec-non etiam illæ, intus quæ ab intesti-

nis tenuibus foveantur, glandulæ. Chymus autem jam in chylum conversus; hujusque fluidiorem partem, dum bibula lacteaeque ebibunt oscula; crassior ac putida per reliquam intestinorum fistulam vi foras amandatur.

III.

PARS verò illa chyli fluidior, quam mesenterium ejusque glandulæ promouunt, dein quidem in lumbarem venit cisternam, sed ibi parum commoratur: brevi enim per thoracicum ductum, ad superiorem trunci partem, se effrens, post tanti itineris defatigationem, subclaviæ demùm venæ infunditur. Quo quidem loco, quanquam illa est in sanguine, tamen naturam non prius suam, suumque colorem exiit, quàm cor, pulmonem aliasque corporis partes agitaverit, omnibusque saltem subministrarit. Et verò quanta sit ad sensum cordis mollitia ac teneritas, nemo non novit? Sanguinis, aiunt, non contactum ipsum, adeò tamen consuetum, neque aëris, neque aquæ, aut olei, insipidorum prorsus fluidorum ferre potest: ut crudioris porro chyli, haud rarò certè vegetabilis profapiæ quid ingratum retinentis; insolito sæpè odore vel sapore imbuti, patienter tolerare posset? longè igitur probabilis accidit, ubi novus cum sanguine in dextrum cordis thalamum appellit chylus, illicò contrahi cor validius ac quâ data porta, evomere. Verùm quidem est, nusquàm postea immaturiorum à corde chylum impelli quàm in pulmonem, obscurumque esse planè, ibidem quem ille exerat effectum: at credibile est saltem in pulmone, chylus ita cum mutetur, ut depositâ pristinâ suâ indole, animalem atque individui naturam induat, ab eo quoquo modo pulmonem affici; in vivis enim quid mutare, in hoc agere est, proindeque antea sentire. Cæterùm, quæcumque sit chyli in pulmonem actio, chylum pulmo profectò subigit, sive quia longè latèque patet, sive suâ fortasse magis adhuc mechanicâ. Sed ille, licèt jam naturæ humanæ tactus sit propior, non ita tamen statim mansuescit, quin etiamnunc, in sinistrum cordis ventriculum cum effunditur, proritare videatur. Hinc autem pulsus aliquo a digestionem tempore elatior: hinc stimulus ille quoqueversum diffusus,

IV.

IS autem, quanquam est debilis, iisdem tamen ac reliquis corporis partibus ad actionem proliciendis videtur sufficere. Expergiscuntur omnia atque operantur; sit unaquæque pars quasi memor & opportunitatis ad nutritionem & temporis ad officium: sed cum primis hæc elucet summa cordis cum dignitate necessitas. Satis quippè non erat, id in humorum oceano reperiri posse, quod cerebro, quod hepatis, aliis quod partibus, aptum esset natum; at quod singula singulis dispensaret, maxime erat opus. Id porro oneris sibi potissimum cor suscipit; totam toti annonam corpori vehens, sicque offerens obsequiosè, suum ut quodque feligere possit ac sumere. Quod verò nisi faciat, æquè certò periturus est microcosmus, ac futuri essent nudi; solis sine influxu planetæ. Nutricatio autem ut primaria, ita maxima corporis functio.

Neque tamen otiosæ maneat glandulæ; agunt & ipsæ: peculiarem quippè ex chylo aut sanguine humorem trahunt; in cistâ, si expedit, hunc coarcent: aliàs suo tantùm tempore sugunt ac fundunt.

Nunc autem duo patere credimus, esse quidem corpus à chylo perfectò, assimilato. Idèò verò susceptum, eumque perpetuò vigere, dum stat vita, actionum à corpore circuitum. Modò enim paucis vidimus, aliis primùm in chylum subigi

partibus eduliorum massam; hunc aliis dein sanguini invehit; à corde tum diffundi quodcumque; postea à glandulis descendi, parari in succos utiles; omnium tandem esse alimentum, dum consumatur, novique sed humilis, instaretur actionum circulus.

V.

MALE autem quis contenderet, quæ diximus, malè esse posita, quia in matris utero, vivit quidem fetus, nec tamen chylum facit. Hinc enim tantum sequitur, conjuncta duo corpora, ambo vivere posse, si alterutrum saltem digerat alimenta, vitalemque pareat succum, qui ab uno in alterum venire possit: nemo verò non fat-bitur ita rem se habere in muliere gravidâ: sed ubi vitæ abruptitur communio, nisi sua protinus incalcescat fetui culina, & vitalem continuò succum subministret, quam ille vix adeptus est, vitam amittit. Quod si nunc idem urgeat, visos saltem fuisse homines, longè qui lem ab ortu suo remotos, qui licet nihil quidquam deglutirent, tamen diù vixerunt: dicemus hic persæpè fraudem fuisse, illud autem si acciderit, evincere, illos quidem homines eo corporis habitu fuisse præditos, ut vitæ alimoniam ex aëre attrahere potuerint; iis itaque atmosphæram, in quâ natamus omnes, omnigenis semper particulis refertam, alterum fuisse quasi ventriculum, alteramve potius matricem. Verum cum perquam rarè id obtineat; & contrà in reliquis hominibus, necessum esse videamus alimenta capi, masticari, deglutiri; in chylum, ad id conspirante toto corpore, converti; hunc deinde sanguini infundi; tum à corde corporis sole, omnibus & singulis distribui partibus, defœcandum, parandum, assimilandum; ac tandem vitam aliâ non posse perennare conditione, quàm ut idem continuò ad cessationem repetat, securè concludimus:

Ergò vita corporis, continua in cibos actio.

DOMINI DOCTORES DISPUTATURI.

M. Bernardus DUFUY.

Scholaris

M. Ludovicus-Alexander DE CÉZAN.

M. Mich.-Philipp. BOUYART;
Regii Ordinis Eques, Regiæ
Scientiarum Academia Socius,
Censor Regius.

M. Joannes COLOMBIER.

M. Joannes-Bapt. LANGLOIS,
Scholarum Professor.

M. Mich.-Joseph. MAJAVLT;
anticuus Regis Exercituum
in Germaniâ Medicus.

M. Joannes - Carolus DES-
ESSARTZ, antiquus Deca-
nus, Regii Medicorum Colle-
gii Lugdunensis Socius.

M. Henricus RAIMOND, Regis
Exercituum in Insulâ Corsicâ
Medicus.

M. Gasp. COCHON DU PUY;
Regii Ordinis Eques, Regis
Consiliarius, & in Arce ma-
ritimâ Rupî fortensî Anatomæ
& Chirurgiæ Professor Regius.

Proponebat Parisiis ANTONIUS - FRANCISCUS - PLACIDUS - JOSEPHUS
DESMARESCAUX, Tornacensis, Saluberrimæ Facultatis Medicinæ
Parisiensis Baccalaureus, Theses Author.

A. R. S. H. 1783. AB OCTAVA AD MERIDIEM.